

Astarloa Kulturgintza Erakunde Autonomoen Estatutuak

I. TITULUA

IZAERA, EGINKIZUNAK ETA ATXIKIPENA

1. artikulua

Durangoko Udalak, dagozkion eskumenez, «Astarloa Kulturgintza» izeneko Administrazio Erakunde Autonomia sortu du, Toki Araubideko oinarriak arautzen dituen, apirilaren 2ko, 7/1985 Legearen 85. artikulua arabera; eta San Agustinalde kaleko 16.an ezarri dio egoitza. Nolanahi ere, kontseilu-errektoreak ahalmena du Erakunde Autonomoaren egoitza aldatzeko udalerrri barruan eta, baita ere, bulegoak jartzeko, aldatzeko edo kentzeko edozein tokitan, beti ere, aintzat hartuta kontseiluak berak ezarritako xedeak, eskumenak eta erak.

2. artikulua

«Astarloa Kulturgintza» izeneko Administrazio Erakunde Autonomoak izaera juridiko publiko bereizia du; orobat, gaitasun juridiko eta jarduera-gaitasun osoa du, edozein ekintza gauzatzeko, bere helburuak betetzeko eta ondasunak nahiz altxortegia zaintzeko beharrezko kontratuak egiteko; azkenik, kudeaketako autonomia ere badu, horiek guztiak legeetan nahiz estatutu hauetan aurreikusitakoari jarraiki.

3. artikulua

Astarloa Kulturgintza, zerbitzu publiko bokazioa duen erakundeak lan eremutan lan egitea du helburu:

Museoa: Durangoko Arte eta Historia Museoaren helburua da museorako bildumak eta Durangoko lekukotza historikoak batzea, kontserbatzea, ikertzea, aztertzea, erakustea, eta hedatzea, horrela, herritarren ezagutza eta gozamenen eragiteko. Gainera, aldi baterako erakusketen programazioa bultzatzen dugu, eta bertoko nahiz kanpoko artisten (berrien eta ospetsuen) lanen bidez arte garaikidea ezagutzeko eta aztertzei aukera eskaintzen dugu.

San Agustin Kultur Gunea herriko kultur jardunak dinamizatzen dituen eragilea da. Herritarren artean arte eszenikoen zaletasuna eta ikusmina sustatzea eta asetzea dira bere helburuak. Hauexek dira San Agustineko lan-ildoak:

- Arte eszenikoen egitarau egonkor bat antolatzea bere espazioan.
- Herriko artisten kolektiboentzat bitarte-kari, koprodukzio eta erakusketa-gune izatea.
- Antzerki arloko profesionalak eta zaletuen formazioa sustatzea eta bultzatzea.
- Ikuskizunak sortzeko laguntza eta bultzada ematea.

Plateruena Kultur Gunea sormen- eta esperimentazio-ekoizpeneko kultura-gune irekia eta diziplina anitzekoa da, eta Kultura Komunitarioa izenekoan oinarritzen da. Bertan, parte hartu, partekatu eta sortu aditzak funtsezko ardatzak dira aipatutako kultura-ekoizpeneko eta -kudeaketako eredua ezartzeko eta garatzeko. Funtsezko zutabeak honako hauek dira:

- Espazioaren erabilerari eta kudeaketari buruzko gobernantza partekatua, publikoa eta komunitarioa.
- Proiektu artistiko eta kultural irekiak, zeharkakoak, jasangarriak eta inklusiboak diseinatzea eta abian jartzea.
- Sorkuntza, ekoizpena, ahalduntzea eta ikusaraztea.
- Aktibo komunitario desberdinen arteko lotura eta erlazioa.

Udal biblioteka Euskadiko Irakurketa Publikoko Sarearen baitan dago, eta bere xedea herritarren adimenaren garapena sustatzea eta jakintza eta hausnarketa trukatzeko guneak sortzea da, pertsonen bizitzakalitatea hobetzeko. Helburu bera duten beste erakunde batzuekin elkarlanean, arlo hauek dira bibliotekako lan-ildoak:

- Herritarrei eskura jartzea askotariko in-formazio, ezagutza, kultura eta aisialdira-ko sarbidea, bibliotekak dauzkan funtsen eta zerbitzuen bidez.
- Etengabeko formazioa bultzatzea.
- Lanerako eta proiektu pertsonaletarako espazioak eta tresnak eskaintzea.
- Irakurketa sustatzea.

Landako gunea: erabilera anitzeko espazio publiko irekia, modernoa eta moldakorra da eta hainbat motatako jarduerak eta ekitaldiak egin daitezke bertan. Hona hemen haren helburu nagusiak:

- Landakoko erabilera anitzeko eraikinaren eta erantsitako gainerako espazioen kudeaketa integrala eta ustiapen jasangarria.
- Erakusketak, kongresuak, azokak, merkatuak, ekitaldi publikoak eta era guztietako ekitaldi artistiko kulturalak, sozialak, gastronomikoak eta aisialdikoak sustatu, kudeatu, antolatu eta garatzea, baita Durangoko herritarrentzat interesgarriak diren antzeko jarduerak ere.
- Espazioaren eta ekipamenduen ezaugarriekin bat datozen lanekoak ez diren jarduera ekonomikoak sustatzea eta bultzatzea.
- Hari atxikitako eraikinak eta espazioak lagatzea eta alokatzea, Durangoko elkarte-sareak eta herritarrek proposatutako jarduerari arreta berezia jarritz.

4. artikulua

Helburu horiek erdiesteko, ondoko eskumenak ditu Erakunde Autonomoak:

- Erakundea kokatzen deneko instalazioak atontzeko, zaintzeko eta administratzeko eskumena.
- Instalazio horien erabilera eta, halaber, beste edozein eratakoak koordinatzeko eskumena.
- Beste erakunde publiko nahiz pribatu batzuekin ondasun higiezinak edo higigarriak kudeatzeko hitzarmenak sinatzeko eskumena, betiere, Erakunde Autonomoaren helburuak lortzera bideratuta.

- Organismoaren zerbitzu guztiak antolatzeke eskumena.
- Erakunde publikoei zein pribatuei diru-laguntzak eskatzeko eta onartzeko eskumena.
- Maileguko eta altxortegiko eragiketak nahiz kauzioko eragiketak hitzartzeko eskumena, betiere, eragiketa horiek Aurrekontua Betearazteko Oinarrietan ezarritako mugen barnean badaude.

5. artikulua

Durangoko Udalak, unean-unean eskumena duen zinegotziaren bidez eta estatutu hauetan aurreikusitako moduan, Erakunde Autonomoaren gaineko tutoretza izango du, Udalak, Tokiko Administrazio Publikoa izanik, bere gain duen agintearen bidez, eta betiere erakunde autonomoak gauzatu behar dituen helburuak betetzeko beharrekoa duen autonomian kalterik eragin gabe.

II. TITULUA

GOBERNUKO ORGANOAK

6. artikulua

1. Hauek izango dira Erakunde Autonomoaren gobernu-organoak:

- a) Kontseilu-errektorea.
- b) Lehendakaria.
- c) Gerentea.

2. Udalbatzako idazkari bera edo haren eskuordea izango da Erakunde Autonomoaren idazkaria. Era berean, Udaleko kontu-hartzailearen eskumenekoak izango dira Astarloa Kulturgintzako kontu-hartze zereginak, beti ere, legedi aplikagarriaren arabera.

7. artikulua

1. Kontseilu-errektorearen ardura izango da Erakunde autonomoa gobernatzea eta kudeatzea, eta ondoko kideak izango ditu:

- Jatorrizko presidentea: Udaleko alkate-udalburua.
- Presidente eraginkorra (aurrerantzean presidentea): Kontseilu Errektorearen proposamenez, alkateak eskuordetuta, izendapen hori hartuko duen zinegotzi eta erakundeko batzordekidea.
- Batzordekideak: 5 eta 11 arteko batzordekideak, guztiak Udalbatzako kide. Osoko Bilkuran izendatuko dira, Udalbatzan udal-taldeek duten ordezkaritzaaren proportzio berean, talde bakoitzeko bozeramaleen proposamenez. Batzordekide titularren ordezkioak ere izendatu ahal izango dira, bai behin betiko bai batzar zehatz baterako, Kontseiluko presidenteari zuzendutako idatzi baten bidez. Nolanahi den ere, alderdi politiko guztiak egongo dira ordezkaturik. Udalbatzak, beren-beregi hartutako erabakiz ezarriko du batzarkide kopuru zehatza.

— Idazkaria: Udaleko idazkari nagusia edo erakunde autonomoaren zerbitzura dagoen eta hark eskuordetzen duen pertsona (bozez bai baina botorik gabe)

— Kontu-hartzailea: Udaleko kontu-hartzailea edo Erakunde autonomoaren zerbitzura dagoen eta hark eskuordetzen duen pertsona (bozez bai baina botorik gabe).

2. Gerenteak kontseilu-errektorearen bileretan parte hartuko du, bozez baina bozkarik gabe.

3. Kontseilu Errektorearen bileretara joan ahal izango dira, hitzarekin baina botorik gabe, organismo autonomoko edo beste administrazio batzuetako langileak, lehendakariak berariaz hala eskatzen badie, bertan jorratuko den gairen batean azalpenak beharko direla irizten bada. Era berean, beste zenbait pertsonari ere Kontseilu Errektorearen bileran parte hartzeko gonbita egingo zaie, Kontseilu Errektorearen ustez, bileran jorratuko den gai baten inguruan beren iritzia entzutea komenigarritzat jotzen denean, edo pertsona horiek bileran parte hartzea egokitzen jotzen denean.

III. TITULUA

GOBERNU-BILKURAREN EGINKIZUNAK

8. artikulua

Kontseilu-errektorearen eskumenak honako hauek dira:

1. Erakunde Autonomoaren jarduteko eta kudeatzeko estrategia zehaztea eta urteko ekintza-plana onartzea.
2. Organismo Autonomia osatzen duten unitateak eta zerbitzuak eta gerentearen jarduketa kontrolatzea eta fiskalizatzea, Alkatetzari eta Udaltzari dagozkien eskumenak alde batera utzi gabe.
3. Urteko Kontuak onartzeko proposamena egitea. Urteko Kontu horiek, gero, Udaltzari igorriko zaizkio, behin betiko onar daitezten, tokiko ogasunak arautzeko legedian aurreikusitako izapideak beteta.
4. Epaitegi, auzitegi, aginte, administrazio eta korporazio guztien aurrean ekintza eta helegite guztiak gauzatea, Erakunde Autonomoaren ondasunak eta eskubideak defendatzeko. Era berean, egoki denean, errekursoan atzera egitea edo horri amore ematea, betiere tokiko araubidearen legedian ezarritakoarekin bat, eta Udaltzari horren guztiaren berri ematea.
5. Udaltzari estatutu hauek bertan behera uztea, aldatzea edo zabaltzea proposatu ahal izango zaio.
6. Erakunde Autonomoaren Araudiak Ordenantzak eta zerbitzuen jardunbide-arauak baita Kontseilu Errektore beraren jardunbide- arauak ere onartzeko, aldatzeko, zabaltzeko eta indarrean jartzeko proposamena egitea Udaltzari.
7. Beste administrazio, erakunde, entitate edo pertsona fisiko zein juridiko batzuekin egin beharreko hitzarmenak, itunak eta lankidetzako onartzea.
8. Administrazio Publikoen kontratuen gaineko legedian eta tokiko araubidean aplikatzekoa den gainerako legedian aurreikusitakoarekin bat, kontratazioa egitea.

9. Erakundearen eskumen-mugen barnean, Aurrekontua Gauzatzeko Oinarrietan ezarritako gastuak egin eta horretarako baimena ematea.
10. Ondasun higiezinak erabiltzeari dagokionez, horren araubide juridikoa tokiko erakundeen ondasunak arautzen dituen araudiaren arabera izango da.
11. Arestian aipatutako mugen barnean, Erakunde Autonomoaren beraren ondasunak baita dohaintzetatik, diru-laguntzetatik eta legatuetatik jasotakoak bere gain hartzea, kudeatzea eta administratzea. Era berean, erakunde autonomoaren ondasunen eta eskubideen inbentarioa onartzea, urtero zuzentzea eta eguneratuta edukitzea, eta eskumeneko zinegotziko edo sailera igortzea.
12. Maileguko eta altxortegiko eragiketak nahiz kauzioko eragiketak hitzartzea, betiere, Aurrekontua Betearazteko Oinarrietan ezarritako mugen barnean.
13. Erakundeko aurrekontua, langileak eta lanpostu guztien zerrenda edo katalogoa proposatzea, Udalbatzaren eskumeneko organoak onar dezan.
14. Udaleko Osoko Bilkurari zergak, prezio publikoak eta eskubide publikoko gainerako ondasun-prestazioak ezar edo/eta arau ditzan proposatzea.

9. artikulua

Erakunde Autonomoko presidenteak honako eskuduntza hauek izango ditu:

1. Kontseilu Errektorearen bileren deialdia egitea, horien buru izatea, horiek etetea eta amaiaztea, eta, bozketetan berdinketarik egonez gero, kalitateko botoarekin berdinketa haustea.
2. Kontseilu Errektorearen akordioak bete daitezela agintzea.
3. Erakunde Autonomoaren aurrekontuaren aurreproiektua eratzea, gerentea, eskuhartzailea eta horretarako izendatutako langileak bertan daudela.
4. Erakundearen eskumen-mugen barnean, Aurrekontua Gauzatzeko Oinarrietan ezarritako gastuak egin eta horretarako baimena ematea.
5. Obligazioak onartzea eta kitatzea eta ordainketak agintzea.
6. Kontratazio-organoa izatea, kontratuen eta toki-araubidearen arloetan indarrean dagoen legediarekin bat.
7. Ondasunak eta eskubideak eskuratzea eta besterentzea, kontratuen eta toki-araubidearen arloetan indarrean dagoen legediarekin bat.
8. Erakunde Autonomia ordezkatzeko auzitegi, epaitegi, administrazio, korporazio, autoritate, notario nahiz partikularren aurrean, eta besteren bati erakunde bati ordezkatzeko agintea eta boterea ematea, edo bere burua ordezkatzeko, bidezko denean.
9. Erakunde Autonomia defendatzeko ekintza judizial eta administratiboak gauzatzea, bere eskumeneko arloetan, nahiz eta arlo horiek beste erakunde bati eskuordetuta egon. Era berean, premiazko egoeretan, Kontseilu Errektorearen eskumeneko arloetan ere eskumen

horiek beteko ditu, eta hori berresteko Kontseilu Errektoreari egoeraren berri emango dio egiten den lehen bileran.

10. Larrialdi-egoeretan, bere erantzukizupean, erabaki egokiak eta beharrezkoak hartzea. Halakorik jasoz gero, horren berri eman beharko dio kontseilu-erredaktoreari lehen bileran.

11. Dokumentuak, eskriturak eta polizak izenpetzea.

12. Kredituko eragiketak zehaztea, Tokiko Ogasunen eta aurrekontua gauzatzeko udal-arauen gainean indarrean dagoen legediarekin bat.

13. Erakunde Autonomoaren zerbitzuen eta unitateen antolamendu-egitura onartzea baita horri dagokion aurrekontu-zuzkidura ere, hori guztia indarrean dagoen araudiarekin bat eta aurrekontu-mugen barruan, kasu bada.

14. Erakundearen interes zehatzak kudeatzeko eta administratzeko eskumenak, bertako beste organo bati esleitu gabekoak betetzea baita Kontseilu Errektorean eskuordetzan emandako beste eskumen guztiak ere.

10. artikulua

1. Gerentea lanpostuen zerrendan lanpostu hori betetzen duena izango da.

2. Kontseilu-erredaktoreak ezarritako araei eta lehendakariaren argibideei jarraituz, honako hauek dira gerentearen eginkizunak:

a) Erakundea zuzentzea.

b) Erakundearen estrategia osoaren diseinuaz arduratzea.

c) Erakunde Autonomoan prozesu-kudeaketa eta kalitate-politika ezartzeko ardura, betiere, eraginkortasunaren helburua bilatuz kudeaketa arloan.

d) Prezioen politika eta aurrekontu politikaren ardura izatea.

e) Erakunde Autonomoaren giza-baliabideen ardura izatea.

f) Erakunde Autonomoari atxikitako baliabideak behar den moduan erabili daitezen arduratzea.

g) Lanpostuaren fitxan jasotako beste edozein.

IV. TITULUA

KIDE ANITZEKO ORGANOETARAKO ARAUAK ETA BILKURA- ARAUBIDEA

11. artikulua

1. Kontseilu Errektorearen bilkurak hiru motakoak izan daitezke:

a) Ohikoak.

b) Ez-ohikoak.

c) Premiazko ez-ohikoak.

2. Ohiko bilerek aurrez ezarritako aldizkakotasuna dute. Aldizkakotasun hori Kontseilu Errektorearen beraren akordioz finkatuko da, Udalbatza bakoitza eratzeko bilkura egin osteko bi hilabeteen barruan egin beharko den ez-ohiko bilkuran. Ohiko bilkuren gai-zerrendan galde-eskeen atala jasoko da beti.

3. Ez-ohiko bilkurarako deialdia, berriz, lehendakariak egin du, bere ekimenez edo, gutxienez, botoa emateko eskubidea duten Kontseiluko kideen laurdenak hala eskatuta, eta kide batek ere ezingo du ez-ohiko hiru bilkurarako eskaririk egin urtean. Azken kasu horretan, ez-ohiko bilkura egiteko gehienez ere hamabost eguneko epea egongo da eskatzen den egunetik, eta gai hori ezin da ohiko bilkura baten gai-zerrendan edo gai gehiago dituen gai-zerrenden sartu, deialdiaren eskatzaileek horretarako berariazko baimena eman ezean.

Lehendakariak epe horretan ez badu ez-ohiko bilkura deitzen, epe hori amaitu osteko hurrengo hamar egun baliodunera egingo da, eguerdiko hamabietan, eta idazkariak horren berri emango die kontseiluko kide guztiei, arestian aipatutako epea amaitu eta hurrengo egunean bertan. Presidenteak edo hura legez ordeztu behar duena ez badaude, bertaratutako kide zaharrena izango da bilkuraren buru.

4. Jorratu beharreko gaia(k) horren premiazkoa(k) izanik, gutxienez bi egun baliodun lehenago ez-ohiko bilkura deituz ez dagoenean, premiazko ez-ohiko bilkura deituko du presidenteak. Halakoetan, eguneko gai-zerrendaren lehen puntuan Kontseiluak premia horri buruzko azalpena eman beharko du. Eta batzuek premia hori ez badu hautematen, bilkura amaitutzat joko da.

12. artikulua

1. Kontseilu-errektorearen bilera arruntetako nahiz berezietako deialdiak lehendakariak egingo ditu bilera-eguna baino gutxienez bi egun baliodun lehenago, eta, deialdiarekin batera, eguneko gai-zerrenda eta aktak bidaliko dizkie.

2. Batzarretako espedienteak kontseilu-errektoreko kideen esku egongo dira Erakunde Autonomoaren idazkaritzan deialdia egin den egun berean, nahi duenak aztertu eta kontsultatu ditzan.

13. artikulua

1. Kontseilu Errektorea baliozko moduan eratuta geratuko da ohiko edo ez-ohiko bilkura, boto-eskubidea duten kideen heren bat bertan dagoenean. Quorum horri bilkura osoan eutsi beharko zaio.

2. Erakunde Autonomoaren presidenteak eta idazkariak edo legez ordeztzen dituztenek nahitaez egon beharko dute bilkuran.

3. Egoera hori ez bada lortzen, bilkura bigarren deialdian egingo da, lehen deialdirako adierazitako ordutik ordubete geroago. Bilkura baliozko moduan egin dadin, botorako eskubidea duten Kontseiluko hiru kide egotea nahikoa izango da, eta Erakunde Autonomoaren presidenteak eta idazkariak edo legez ordeztzen dituztenek bertan egon beharko dute nahitaez.

4. Aurreko paragrafoetan xedatutakoa ez da botorako eskubidea duten Kontseilu Errektoreko kideen laurdenak eskatutako ez-ohiko bilkuretan aplikagarria izango, horren araubide zehatza estatutu hauetako 11.3 artikuluan jaso baita.

14. artikulua

1. Estatutu hauetan aurreikusitako kasuetan izan ezik, Kontseilu Errektorearen akordioak gehiengo soilez hartuko dira, eta berdinketak presidenteak ebatziko ditu kalitateko botoaren bidez.
2. Kontseilu Errektorearen kideen gehiengo absolutuaren aldeko botoa beharko da estatutu hauek indargabetzeko, aldatzeko edo zabaltzeko proposamena egiteko, baita erakundea desegiteko proposamena egiteko ere.
3. Deialdian jaso gabeko gaiei buruz ez-ohiko bilkuretan hartutako erabakiak baliogabeak izango dira, baita ohiko bilkuren eguneko gai-zerrendan jaso gabeko gaiei buruzkoa ere. Salbuespen izango da Kontseilu Errektorean boto-eskubidea duten kideen gehiengo absolutuz gai hori premiazko dela ezartzen denean.
4. Kontseilu Errektorearen kideen botoa pertsonala eta delega ezina da, eta baiezkoa edo ezezkoa izango da. Era berean, botoa emateari uko egin ahal izango zaio.
5. Bozketak ohikoak, izendunak edo sekretupekoak izan daitezke. Bozketarako sistema arrunta ohiko sistema izango da. Bozketa izendunak eta sekretupekoak tokiko araubideari buruz indarrean dagoen legedian aurreikusitako kasuetan eta moduan egingo dira.

15. artikulua

Kontseilu errektorearen aktak egiteari eta euren edukiari eta onespeneri dagokienez, urriaren 1eko, Sektore Publikoaren Erregimen Juridikoko 40/2015 Legeko 18.artikuluan ezarritakoa beteko da.

16. artikulua

Estatutu hauetan Kontseilu Errektorearen jardun-bideari buruz jaso ez den guztirako, AJAn Osoko Bilkuraren jardunbideari buruz jasotako xedapenak beteko dira, baita tokiko udalbatzen antolaketari buruz indarrean dauden gainerako arauetan xedatutakoa ere.

17. artikulua

Kontseilu Errektorearen akordioek eta lehendakariaren ebazpenek administrazio-bidea amaiazten dute.

V. TITULUA

ARAU BIDE JURIDIKOA

18. artikulua

1. Tokiko araubidearen xedapenek, Udalaren Osoko Bilkuraren jardunbidea arautzeaz gain, aurreko artikuluetan Erakunde Autonomoaren jardunbideari dagokionez aurreikusitako guztia ere arautuko dute.

2. Prozedurari dagokionez, berriz, apirilaren 2ko 7/1985 Legean eta Estatuko Administrazio Prozedura Erkidearen Legedian xedatutakoari jarraituko dio Erakunde Autonomoak.¹⁹. artikulua

1. Erakundearen gobernu-organoek beren eskumenei buruz ezarritako ebazpenen eta erabakien aurka aukerako berrezartze-errekurtsoa jarri ahal izango da.

2. Erakundearen behin-betiko egintza eta akordioen aurka (alegia, bai berrezartze-errekurtsoen erabakitzekoak, berariazkoak nahiz ustezkoak bai gobernu-organoek bere eskumenen barruan emandakoak) adierazitako errekurtsorik jarri ez bada, administrazioarekiko auzi-errekurtsoa jarri ahal izango da, indarrean dagoen legediak aurreikusitako moduan eta epeetan.

VI. TITULUA

GIZA BALIABIDEAK

20. artikulua

Erakunde Autonomoak beharrezko langileak —funtzionarioak nahiz lanekoak— izango ditu, eta Durangoko Udalaren Osoko Bilkurak onartutako plantilla organikoaren eta lanpostu-zerrendaren arabera zehaztuko dira langileen kopurua, kategoria eta zereginak. Osoko Bilkuraren egitekoa izango da, orobat, aipatutako baliabide horien bidez Organismoko langileen ordainsariak zehaztea, eta finkoak edo aldizkakoak ez diren ordainsari osagarriak banatzea.

21. artikulua

1. Honako hauek dira zerbitzuaren langileak:

a) Erakunde Autonomoan lan egiten duten Udaleko funtzionarioak.

b) Lan-eskubideko erregimeneko langileak eta behin-behineko langileak, konfiantzako edo aholkularitza bereziko lanpostuak dituztenak.

22. artikulua

Presidenteak bere zerbitzurako beharrezkotzat jotzen dituen langileak izendatuko ditu, langile horiek, korporazioko lan-kontratudun langile finkoak izan gabe ere, aplikagarria den legediarekin bat, eta plantillaren araberrako lanpostuak beteko ditu, Kontseilu Errektoreak kasuan kasu zehazten dituen hornikuntzako prozesuak ezarrita.

23. artikulua

Ordainsarien baldintzak zehazteko eta aldatzeko orduan, Durangoko Udaleko eskumeneko organoak horren gainean onartutako arauei egokitu beharko zaie beti.

24. artikulua

Bai langile horiei dagokienez bai unean uneko beharrianak betetzeko kontratatutako langileei dagokienez, kasu batean zein bestean Administrazio Publikoen zerbitzu peko langileen erregimena arautzen duten arau berak bete beharko dira, lanpostuak, ordainsariak,

hautespena, lanpostu hornikuntza, prestakuntza eta administrazio-egoerak aintzat hartuta, berdintasun, meritua eta gaitasunaren printzipioekin bat.

VII. TITULUA

ONDAREA, BALIABIDE EKONOMIKOAK ETA KONTRATAZIO-ARAU BIDEA

25. artikulua

1. Osagai hauek izango ditu Erakunde Autonomoaren ondareak: batetik, Udalak Organismoari bere helburuak betetzeko atxikitzen dizkion ondasunak, eta, bestetik Organismoak berak bere funtsekin ordainduta eskuratutakoak.

Hauek dira Erakunde Autonomoari atxikitako ondasun higiezinak:

Arte eta Historia Museoa, San Agustinalde 16an dagoena.

Kurutzesantu Museoa, Kurutziaga 38an dagoena.

San Agustín Kultur Gunea, San Agustinalde 12an dagoena.

Udal Biblioteka, Komentukalea 8an dagoena.

Plateruena Kultur gunea, Landako Etorbidea, 4an dagoena.

Edificio multiusos de Landakoko erabilera anitzeko eraikina eta gainerako instalazio erantsiak, lurpeko aparkalekuak barne, Landako Etorbidea, 6an daudenak.

2. Ondasun eta eskubide atxikiek jatorrizko kalifikazio juridikoa izango dute; hala, atxikipenean zehaztutako helburuak betetzeko erabilerako eta kontserbazioko ahalmenak besterik ez ditu izango Erakunde Autonomoak.

3. Eskurapena adostutakoan, inplizituki ulertzen da Erakunde Autonomoaren helburuei dagozkien ondarezko ondasunen eta eskubideen xedematea.

4. Ondasun horiek kontserbatzeko, egokiro kudeatzeko eta defendatzeko, jabari publikoari buruz legez ezarritako eskubide eta prerrogatiba guztiak izango ditu Erakunde Autonomoak

5. Erakunde Autonomoak ondasunen eta eskubideen –jabetzan dituenen nahiz atxikien– inbentarioa egin, eta eguneratuta izango du (ondasun suntsikorrek ez dira inbentarioan sartuko). Inbentarioa urtero aztertuko da abenduaren 31erreferentziatzat hartuta, eta kontseilu-errektoreak onartu beharko du.

6. Erakunde autonomoaren espazio propioek eta hari lotutako espazioek berezkoak ez dituzten erabilerei dagokienez, ordenantza edo erregelamendu baten jasotakoak bete beharko dira.

7. Arlo honi buruz estatutuetan aurreikusi ez diren gainerako gaietan, Herri Administrazioetako ondareari buruzko araudia ezarriko da.

26. artikulua

Erakunde Autonomoaren baliabide ekonomikoek iturri hauek izan ditzakete:

- a) Tasak eta prezio publikoak.
- b) Bere ondaretik datozen diru-sarrerak eta zuzenbide pribatuko bestelakoak.
- c) Durangoko Udalak, bere aurrekontuen kargura, egiten dizkion ekarpenak.
- d) Edozein erakunde publiko edo pribatuek emandako laguntzak eta transferentziak.
- e) Kreditu-eragiketak.
- f) Zuzenbide publikoko bestelakoak.

27. artikulua

- 1. Organismo Autonomoak aurrekontu propioa izango du, eta Toki Ogasunak arautzeko legedian nahiz Udalaren legedi orokorrean aurreikusitakoa bete beharko du.
- 2. Organismo autonomoaren aurrekontua lehendakariak gauzatuko du. Ondoren, Kontseilu Errektoreak onartu, eta Udalari igorriko zaio urte bakoitzeko irailaren 30a baino lehen, Udalak onar dezan.
- 3. Gastuen Aurrekontuan jasotako kredituak, horien aldarazpenak, gauzaperak eta likidazioak Tokiko Ogasunak arautzeko legediak eta Udal Arauak horretarako ezarritakoari jarraiki egingo dira.
- 4. Erakunde Autonomoaren diruzaintza Tokiko Ogasunak arautzeko legedian ezarritakoaren arabera gauzatuko da.
- 5. Erakunde Autonomoa kontabilitate publikoko erregimenari lotuta dago, Tokiko Ogasunak arautzeko legedian ezarritakoari jarraiki.
- 6. Erakunde Autonomoaren egoera eta kontuak presidenteak berak eman eta proposatuko ditu, Kontseilu Errektorea jakinaren gainean egon dadin. Egoera eta kontu horiek Udalera igorriko dira Tokiko Ogasunak arautzeko legedian ezarritako epearen barruan, bertan aurreikusitako izapideen ostean, eskumeneko organoak onar ditzan.

28. artikulua

- 1. Erakundearen kontratazioak Herri Administrazioen kontratazio-arau orokorren arabera egingo da.
- 2. Organo eskudunak kontratuak hitzartzeko baimena eman beharko du, organo horrek alde zuzenetik zehaztu dituen diru-kopuruak gainditzen badituzte.

VIII. TITULUA

UDALAREN TUTORETZA AHALMENAK

29. artikulua

Hauek izango dira Udalaren tutoretza-ahalmenak:

- a) Astarloa Kulturgintzako gobernu-organoak kontrolatzeko eta ikuskatzeko ahalmena.

b) Aurrekontua-inbertsio plana eta finantza programak barne- eta Zerbitzuen Araudi Orokorra onartzeko ahalmena.

c) Kontu orokorra onartzeko ahalmena.

d) Udalbatzari eta alkateari giza baliabideei buruz egotzitako ahalmenak.

IX. TITULUA

ESTATUTUAK ALDATZEA ETA ERAKUNDE AUTONOMOA DESEGITEA

30. artikulua

1. Estatutu hauek aldatzeko, horiek berak onartzeko eskatzen ziren izapide berberak bete beharko dira.

2. Kontseilu-errektoreak har dezake ekimen hori gehiengo osoz, edo, bestela, Durangoko Udalak berak.

31. artikulua

1. Erakunde Autonomoa Durangoko Udalaren erabakiaren bidez desegin ahal izango da, tokiko erregimeneko legedian ezarritako moduan.

2. «Erakunde Autonomoa» desegiten bada, bere ondare guztia —aktiboan jasotako hazkundeak eta ekarpenak barne— Durangoko Udalaren eskuetara igaroko da. Itzulitako ondasunek eduki dezaketen afekzioa galduko dute, eta Udalak zuzenean eta erabat erabiltzeko moduan jasoko ditu. Nolanahi ere korporazioen, erakundeen, eta abarren jabetza peko instalazioek beren titularrenak izaten jarraituko dute.